

Gran suzès por la fin dl'edema ecologica

Garatada la cuarta roda incèr i jus dl Sela cun i auti eletrics y incè le Sellaronda Bike Day, che à albi en chësta secunda ediziun da en chësc ann incèr 3.500 partezipanè




40 è i mesi eletrics che à tut pert ala roda incèr le Sela.


Alta Badia - A despet dl timp malsigù y dl clima plütosc frèit, che nes recorda che i jun bel plan contra l'altonn, è 3.500 i ziclisè pià ia en domènia da doman cun la roda sò por i jus de Frara, Sela, Pordù y Ciaulunch. En ocajiun dl secundo Sellaronda Bike Day da en chësc ann è i jus incèr le grup dl Sela romagnùs stliè al trafich di auti

rodas da strada, rodas da munt y cinamai tandem podù pedale en plëna libertè. La fin dl'edema dedicada al'ecologia à bele metù man la sabeda cun la cuarta ediziun de ECOdolomites, manifestaziun metùda da jì dal Consorzi Turistich Alta Badia, deboriada cun Val Gardena Marketing, en colaboraziun cun la firma de Südtirol Letsmove de Daniel Campisi y Maximilian

Costa. Le fin de chësta iniziativa è chël de sensibilisè la jënt a na mobilitè y a n turism plü ecosostenibl. Al è rovè adalersch 40 mesi, rodas, motors, auti y busc che va a eletrizitè y a idrogenn. Danmisdé èsi pià ia da Corvara por desfirè la roda dl Sela, por fà n iade tl segn dl chit. Tratan na mësà torona y spo incè ia por le dé el gnü baié y baraté fora idees y minungbes sön la mobilitè eletrica y sön le problema tica plü grana, che è chëra dl çiaré sò i auti. "L'obietif dla manifestaziun è chël de slarè fora informaziuns sün i mesi eletrics y sön süa adoranza incè da cuotidianité, dantaldöt por comuns, firmes, associazziuns y consorc turistics, por che an capèces y an mètes man de se oje tl vers de na mobilitè desfarènta y plü sostenibla", à dit Daniel Campisi dla firma Letsmove.



Ala cuarta ediziun de ECOdolomites à tut pert incè n minibus a idrogenn. (fotos de Freddy Planinšek)



Ester a l'avanverda te premiaia! Mè entin a 10 de otobèr e-credit

Dancà y da na pert

Uedli y oredles daverc sun la sozieté ladina d'aldidancuei

Pauli Demetz
Ost, ex-jugadèur de hockey y un di plu cunesciui che à fat pea pra la trasmiscion "Wetten, dass...?"



USC: Pauli Demetz, Vosc inuem y Vosta persona ie for mo tachei te na maniera strènta ai gran ani dl Hockey Gherdëina.

Pauli Demetz: Le fove l plu jëunn ntlèuta, è abù la fertuna de fé pea te na squadra aldò, cun danter l auter Fabrizio "Biz" Kasslatter, Adolf Insam y Erwin Kostner, jugadèures ora dl normal boni. L ie pona plu saurl a fé pea cun chësta jënt, al didancuei iel plu rie.

Ciuna fova pa la faszinazion dla squadra da ntlèuta? La squadra fova na bela grupa de cumpanies, belau coche na

Mpo iel stat coche sce assais vencü.

Son ju a 105 al'ëura, cun jadins njenièi ca aposta da mi fra Leo.

La spetacularità dia ntraunida fova ajache la lama dl jadin da mé sëura per 5 zentimetri sun d'acia, perchël fövel rie a stè mpe, jan tan debota juvier iel for l pricul de ti la cacé, de tumé ora.

Ntant sëis zapà ite te na fasa de majera gheneda te Vosta vita.

I ani dl sport ie finei, che é mpo bele 53 ani, nce sce i dij che cèle ora plu da jëunn (s'la ...)